

山左金石志

山左金石志卷第二十二

兵部尚書都察院右都御史總督湖廣等處地方軍務兼理糧餉前東總辦加三級學況
內閣學士兼禮部郎中前是是 齊河縣學提舉汪榮昌政前東學政加三級院元

同撰

元石

張氏世德碑

至元三十年二月立尺寸書體未詳在安邱縣西張氏墓
上

右碑未見拓本據朱朗齋所載錄之撰文者李槃書篆姓
名皆缺

濟州重建大成殿碑

至元三十年二月立八分書篆額碑高七尺九寸廣三尺
二寸在濟寧州學

右碑額題濟州重建大成殿記二行字徑四寸五分文十六行碑無撰人姓名書丹者楊桓篆額者楊文郁

利津縣新建廟學碑

至元三十年八月立正書篆額碑高五尺四寸廣二尺五寸在利津縣學

右碑額題利津縣新脩廟學記四行字徑五寸文二十三行字徑一寸碑爲李師聖撰趙孟頫書篆字體纍拙不類松雪或當時託名爲之也

慶壽寺寶公禱塔記

至元三十年八月立并額俱正書石高二尺廣一尺七寸在滋陽縣

右碑額題創建慶壽寺弟二代八字橫列徑一寸一分文

五行字體大小不等

靈巖寺肅公道行碑

至元三十年九月立正書篆額碑高六尺八寸廣三尺五寸在長清縣靈巖寺

右碑額題肅公禪師道行之碑八字橫列徑一寸五分文二十四行字徑一寸住持從倫撰書并篆額

淄川縣重修先聖廟碑

至元三十年立并陰俱正書篆額陰額亦正書碑高七尺四寸廣三尺一寸在淄川縣學

右碑額題重修先聖廟記二行字徑三寸文二十六行字徑一寸趙孟頫撰范履道書篆碑陰額題碑陰之記四字橫列徑四寸文二十五行字徑一寸所記皆廟地四至及

及籍器物

太白酒樓記

至元三十年立碑高二尺七寸凡四面圍六尺五寸在濟寧州太白樓

唐李翰林酒樓記 沈光撰

有唐咸通辛巳歲正月壬午吳興沈光適任城題太白酒樓夫
觸強者覲巧而不發乘險者帖爾而不進潰毒者隱忍而不能
就其賊砭口猛者持疑而不能盡其膽勇而復視其强者弱之
險者夷之毒者甘之猛者柔之信乎酒之作於人也如是翰林
李公太白聰明才韻至今爲天下倡首業述匡救天必賦之矣
致其君父古帝王進其臣如古藥石揮直刃以血其衺者推善
穀以輦其正者豈爲酒而作也焉酒而作者口非真勇太白旣

以峭訐矯時之狀不得大用流庠齊魯眼明耳聰恐貽顛路故
狎弄枯觴沈休鞠黷耳一淫雅目混黑白或酒醒神健視聽銳
發振筆著紙乃以聰明移於月露風雲使之涓潔飛動移於草
木禽魚使之妍茂騫騰移於邊情閨思使之壯氣激人離情溢
目移於幽巖邃谷使之遡歷物外爽人晶魂移於車馬弓矢悲
憤酣哥使之馳騁決發如睨幽并而失意放懷盡見窮通焉於
戲太白觸文之強乘文之險潰文之毒搏文之猛而作狎弄枯
觴沈休鞠黷是真築其聰翳其明醒則移於賦詠宜乎醉而生
醉而死予徐思之使太白疏其聰決其明移於行事強犯時忌
其不得醉而死生也當時骨鯁忠赤遜有其人收其逸才萃於
太白至于齊魯結葦陵雲者有限獨斯樓也廣不踰數席瓦缺
椽蠹雖樵兒牧豎過亦指之曰李白嘗醉于此矣至元癸巳楊

桓書監州朝城冀泰知州眞定董珪同知泗原劉庭玉州判陽穀和治同立石 石工王謙黃秀等同刊監修白王山樓丁呂右碑文二十八行字徑二寸五分後有石工姓名一行正書徑五分書碑者楊桓案元史本傳云桓於中統四年補濟寧教授召爲太史院校書郎遷祕書監丞博覽羣籍尤精篆籀之學此碑篆法道整可見一班王漁洋秦蜀驛程記謂是大篆乃紀載之譌耳

平陰縣學新建兩廡記

至元三十一年立并陰俱正書額八分書碑高六尺六寸廣二尺七寸在平陰縣學

右碑額題平陰廟學新建兩廡記三行字徑三寸三分文二十三行字徑一寸碑爲李謙撰書并題額陰刻官吏工

匠姓名二十一行徑一寸

密州三皇廟記

至元三十一年正月立正書碑高六尺廣三尺在諸城縣
南城關帝廟前

右碑篆額未拓文二十二行字徑一寸二分張頤撰楊桓
篆額朱熙載書丹

高唐州重修廟學碑

至元三十一年四月立正書碑高八尺二寸廣三尺二寸
在高唐州學

右碑篆額未拓文二十三行字徑一寸李謙撰書并篆額
曲阜縣廟學田地畝碑

無年月正書碑高三尺六寸廣二尺二寸在曲阜縣學

右碑文二十五行字徑七分無立碑年月案文內有至元三十一年四月欽奉詔書云云乃成宗卽位初所奉行者故列于此

靈巖寺廣公提點壽碑

至元三十一年五月立并額俱正書碑高七尺七寸廣三尺在長清縣靈巖寺

右題額題廣公提點壽碑三行徑四寸五分文二十五行字徑一寸左思忠撰住持覺達書并題額案碑云廣公前往杭州南山普寧寺印經一大藏攷杭州西湖志載普寧寺在雷峯塔下武林舊事云又名白蓮寺咸淳臨安志云周廣順元年建宋大中祥符初改今額有錢塔一石塔二秦少游龍井題名云航湖至普寧遇道人參寥策杖並湖

而行出雷峯度南屏得支徑上風篁嶺正其處也今湖堤遺墟尙存止見石塔院宇盡燬云云而總不詳元代之興廢以此碑證之則至元末年尙有藏經板可印其寺之盛可知然普寧印經事僅見於此可爲武林梵剎增一掌故也

成宗崇奉孔子詔石刻

至元三十一年七月立碑高一丈一尺廣四尺在曲阜縣孔廟

右碑及額皆國書額二行文十行大德五年閏復所撰重建文宣王廟記案之此碑乃世祖至元三十一年成宗嗣位之初七月壬戌詔中外崇奉孔子之詔也元史本紀但紀其事不載其文曲阜志乘亦皆遺之無從詳譯全文也

闕里孔廟祭器碑

至元三十一年八月立正書篆額碑高四尺七寸五分廣二尺六寸五分之曲阜孔廟

右碑額題闕里廟祭器記三行字徑四寸五分文二十五行字徑寸李沔撰劉賡書楊桓篆碑叙孔子五十三世孫孔淑以江南行臺照磨官微力薄毅然去官而涉蘓杭求助僚友爲祖廟造祭器至千七百有三之數往返四月其勤敏有足嘉者顧闕里文獻考不列其名於子孫著聞之中何其畧耶

濟陽縣重修廟學碑

至元三十一年八月立正書碑高六尺八寸廣三尺在濟陽縣學

右碑篆額未拓文二十九行字徑九分楊文郁撰趙孟頫書篆楊文郁元史不爲立傳惟李謙所撰神道碑云文郁字從周濟陽人大德間累官至翰林學士爲文有根據不崇華藻著有林下集此碑文體書格皆相稱也

在平縣重修廟學碑

至元三十一年十月立并陰俱正書額八分書碑高七尺二寸廣三尺一寸在在平縣學

右碑額題在平縣重修廟學記二行字徑二寸五分文二十四行字徑一寸一分李謙撰并題額史杞書丹陰額題官員士庶芳號二行徑四寸文二十三行字徑八分

尼山孔子象記

至元三十一年十一月立并額俱正書碑高五尺四寸廣

二尺六寸在鄒縣尼山書院

右碑額題尼山孔子象記三行字徑三寸五分文二十五行字徑一寸司居敬撰劉之美書楊秉淵書額

諸城廟學碑

至元三十一年十一月立八分書碑高六尺廣三尺五寸在諸城縣學

右碑篆額未拓文二十二行字徑一寸楊文郁撰楊桓書并篆額

趙孟頫濟南詩刻

無年月篆書石高二尺三寸廣二尺八寸在濟南府學

把膝獨對華不注孤襟四面天風來泉聲振響暗林壑山色滴翠落莓苔散髮不冠弄柔翰舉杯白月臨空壻有時扶筇步深

谷長嘯袖染煙霞回竹林深處小亭開白鶴徐行啄紫苔羽扇
不搖紗帽側晚涼青鳥忽飛來同知濟南路總管府事趙孟頫
題

此碑未見拓本據朱朗齋所錄詩及題名凡十一行字徑
一寸五分此與下五碑朗齋皆系於至元末姑仍之俟攷
暴書臺題字

無年月篆書石高三尺八寸五分廣一尺六寸在鄒縣南
門子思書院西

右碑題暴書臺三字徑一尺一寸無年月書人姓名縣志
稱子思書院西有臺高丈許元縣令司居敬鐫字其上世
稱爲孟子暴書臺據此則三字爲居敬所書矣司居敬字
仲可恩州人至元末爲鄒縣尹此碑因列於世祖至元末

山狀元墓殘碑

無年月正書篆額碑高五尺四寸廣二尺五寸在朝城縣山狀元墓上

右碑斷爲三石額題山狀元墓子碑二行字徑四寸文存二十七行字徑六分撰書姓名皆泐

贅壻殘碑

無年月正書碑高一尺五寸廣一尺在青州府西門閭

右碑四面殘泐存字八行字徑九分

任公孝思碑

無年月正書篆額碑高六尺二寸廣二尺六寸五分在高

密縣

右碑額題任公孝思之記二行字徑三寸五分文二十行

字徑一寸蕭璧撰王彥書并篆額

青羅觀王重陽詩詞石刻

無年月正書篆額石高六尺一寸廣二尺六寸在掖縣青

羅觀

右碑額題終南山重陽真人親眷碑十字橫列徑二寸詩詞凡十二行字徑一寸五分皆王重陽作俚鄙不錄

重修烽火山神廟碑

元貞元年正月立正書碑高三尺六寸廣一尺七寸在諸

城縣本廟

右碑文十七行字徑九分密州儒學正龔履簡撰縣吏李

侃書

萊山月主真君靈驗記

元貞元年三月立正書篆額碑高五尺八寸廣二尺四寸
在黃縣萊山月主真君祠內

右碑額題月主真君靈驗之記四行字徑二寸五分文十
五行字徑一寸後銜名三行字徑七分馬世英書篆額撰
文姓名已缺

平原縣重修廟學碑

元貞元年四月立并陰俱正書篆額碑高八尺廣二尺八
寸在平原縣學

右碑額題平原縣重修廟學記二行徑三寸文二十二行
字徑一寸李謙撰傅夢弼書楊桓篆碑陰記文十九行字
徑一寸李思誠撰并書

八神陽主廟記

元貞元年四月立正書篆額碑高三尺八寸廣二尺三寸五分在福山縣之眾山陽主廟

右碑額題八神陽主廟記六字橫列徑三寸文二十一行字徑一寸初才撰傳汝梅書楊遇篆額

高密縣修建文廟碑

元貞元年閏四月立并陰俱正書碑高七尺廣三尺五寸在高密縣學

右碑文二十行字徑一寸二分敎諭鞠英書撰碑陰上截橫刻姓名五列字徑七分下截橫刻廟地圖及丈尺四至凡二段字體大小不等

德平縣重修學廟碑

元貞元年五月立八分書篆額陰正書碑高七尺六寸廣

二尺八寸在德平縣學

右碑額題德平縣重修學廟記二行字徑四寸文十九行
字徑一寸二分楊桓撰并書丹題額碑陰上截刻官吏姓
名二十七行字徑七分下層雜刻官民工匠姓名大半漫
滅

石後貌贊

元貞元年七月刻正書在藩署土地祠

右刻未見拓本不知尺寸贊十一行字徑八分題云朱宅
立乃是朱氏鎮宅辟邪之物不知何年移于藩署朱朗齋
云濟寧旗纛廟有鐵獅二亦元貞二年所造

徐世隆後唐明宗廟詩刻

元貞元年七月刻正書石高一尺五寸五分廣三尺在清

平縣後唐明宗廟壁間

拜謁

明宗皇帝詞

徽陵當日拯殘唐五季之間號小康因讞害田秋罷獵爲民求
主夜焚香八年功德丹青在千古明靈祭祀長欲識此邦遺愛
事廟槐人敬侶甘棠

時乙未七月初吉箕城徐世隆識

故翰林學士復齋徐威卿先生真翰迄今六十年矣守土者達
魯花赤闊闊瓦縣尹田衡主簿劉雲漢縣尉李庭珪典史雷附
翼恐其湮滅勒石龜壁以永其傳時大元元貞元年七月七日
也

儒醫田好禮墓

里人陳義男陳忠刊

右詩刻十一行字徑二寸後跋八行字徑一寸

中庸精舍記

元貞元年八月朔立正書篆額碑高六尺六寸廣三尺在鄒縣子思祠

右碑額題中庸精舍之記二行字徑四寸文二十四行字徑一寸張額撰趙靖書并篆額

進義張公神道碑

元貞二年正月立正書篆額碑高五尺四寸廣三尺一寸在歷城縣東北張家庄

右碑祇存半截下層失拓額題進義張公神道碑銘二行字徑四寸文二十四行字徑一寸劉敏中撰曹質書丹并篆額

孟母墓碑

元貞二年二月立正書碑高五尺九寸廣二尺六寸在鄒縣孟母墓前

右碑篆額未拓文二十二行字徑一寸張顗撰楊秉秀書
李介篆額

孟子墓碑

元貞二年二月立正書篆額碑高五尺二寸廣二尺五寸
在鄒縣孟子墓前

右碑額題孟子墓碑四字橫列徑三寸二分文二十七行
字徑八分撰書題額姓名與上碑同

長春真人道行碑

元貞二年二月立正書碑高九尺六寸廣四尺一寸在棲

霞縣濱都宮

右碑篆額未拓文四十三行字徑八分王之綱撰書張口仙篆額

崇聖寺聚公壽堂碑

元貞二年二月立并額俱正書碑高三尺七寸廣二尺二寸在臨朐縣

右碑額題石門房三字橫列徑三寸四分文六行字徑二寸五分

濟州修學後碑

元貞二年十一月立并陰俱正書篆額碑高八尺六寸廣三尺一寸在濟寧州學

右碑額題濟州重修廟學後記二行字徑四寸文十七行

字徑一寸三分李謙撰耶律有尙書丹楊桓篆額陰刻官吏及士庶工匠姓名凡三層

五峯山普光大師墓誌

元貞二年十二月立正書篆額碑高四尺四寸廣二尺二寸五分在長清縣五峯山

右碑額題普光大師王公墓誌二行字徑二寸五分文十八行字徑一寸碑爲萊陽道人撰并書羽士曹若拙篆額炳靈王廟八不沙令旨碑

元貞四年二月立正書碑高五尺七寸廣二尺九寸在淄川縣王邨店本廟

右碑已殘缺文約三十餘行字徑六分無撰書人姓名

廬山延真宮碑

大德元年六月立正書篆額碑高八尺三寸廣三尺五分
在黃縣廬山延真宮

右碑額題重修延真宮碑二行字徑四寸文三十三行字
徑八分碑多殘泐撰書姓名無存

冠州新修廟學碑

大德元年十一月立正書篆額碑高九尺一寸廣三尺五
寸在冠縣學

右碑額題冠州新修廟學之記二行字徑三寸四分文二
十一行字徑一寸一分李謙撰張孔孫書楊桓篆額案冠
縣元以前皆爲冠氏縣元史地理志云至元六年升爲冠
州此碑云至元七年升縣爲州雖有小異實則相同也

雙門神祠記

大德二年正月立正書碑高六尺八寸廣三尺在諸城縣雙門

右碑文二十二行字徑一寸二分學正口朝宗撰教諭徐士龍書

東鎮廟加封詔詞碑

大德二年二月立國書篆額譯文及陰俱正書碑高六尺七寸廣二尺七寸在臨朐縣沂山東鎮廟

右碑額題大元增封東鎮元德東安王詔三行字徑二寸八分文十三行左讀刻于上層譯文十六行字徑一寸五分刻於下層碑陰刻感應記及銜名凡二十九行字徑一寸馬驤撰張德貞書

孔顏孟三氏免糧碑

大德二年六月立正書碑高五尺五寸廣二尺五寸在曲阜縣孔廟

右碑分上下載上刻聖旨二十四行字徑六分後列銜字徑一寸年月後有鈐印二蒙古篆方徑三寸下層刻皇姑魯國大長公主懿旨駙馬濟寧王鈐旨及濟寧路總管府照詳去來云云凡二十二行字徑六分後空處亦有鈐印同前案魯國大長公主名南哥不刺乃裕宗之女故成宗稱爲皇姑也適蠻子台封濟寧王畫濟兗單三州爲分地曲阜在分地之內而駙馬府事又統爲濟寧總管府所轄故三氏免稅雖有皇帝聖旨必得公主懿旨駙馬鈐旨總管府關照而後可行也省符後結銜自左而右尙書四人侍郎二人郎中二人員外郎四人皆不署姓下有押者僅

四人亦見當時之制如此

徐氏新阡碣銘

大德三年二月立正書篆額碑高六尺廣二尺六寸在濟寧州兩城山

右碑未見拓本據朱朗齋所載錄之額題徐氏新阡碣銘二行字徑一尺二寸文二十二行尙毓德撰并書篆案文有子孫文不勝紀具刻石陰之語當有碑陰未錄也

修惠濟公祠記

大德三年三月立正書碑高四尺二寸廣二尺四寸在嘉祥縣青山惠濟公廟

右碑文二十三行字徑九分趙衡正撰趙之敬書

西由場新建廟學碑

大德三年三月立并陰俱正書碑高六尺八寸廣三尺一寸五分在掖縣城北西由鎮

右碑篆額未拓文二十二行字徑八分傳夢弼撰喬達書李天英篆碑陰刻官吏姓名縱橫行數不計字徑八分碑陽左角有崇禎丙子西由場大使周東湖重立題字陰有正統十年鹽大使張顯等題名案元史百官志山東東路都轉運鹽使司轄鹽判止一員鹽場一十九所每場設司令一員司丞一員管勾一員一十九所之中若西由場海濱場登寧場衡村場石河場信陽場潯洛場皆在焉惟衡村史作行村潯洛史作濤洛爲異碑有卽壘場史所不載或史有別名歟史無某場在某處地名故無從深攷又碑與史異者如運判止一員而碑末列名稱鹽使司判官者

三人且加以膠萊莒密之衝如每場管勾止一員而碑陰管勾之下有同管勾副管勾此皆官制隨時增損史家所未及備也

尊經閣碑

大德三年四月立正書篆額碑高九尺廣三尺在濟寧州學

右碑未見拓本據朱明齋所載錄之額題尊經閣記二行字徑六寸文十七行陳儼撰楊桓書并篆額

重修興國院碑

大德四年六月立并陰俱正書碑高六尺四寸廣三尺六寸在萊蕪縣興國院

右碑篆額未拓文十三行字徑一寸二分後街名五行字

徑九分碑陰上肩刻宗派之圖四字橫列字徑二寸四分
中刻施主姓名十三列下刻院地畝數四至字徑一寸碑
文釋空山撰釋陳善鑒書并篆額

館陶縣重修廟學碑

大德四年八月立行書碑高五尺六寸廣二尺七寸在館
陶縣學

右碑額未拓文二十一行字徑八分張士觀撰周馳書并
題額

衍聖公給俸牒碑

大德四年閏八月立正書碑高二尺五寸廣四尺二寸在
曲阜縣孔廟

右牒文四十一行字徑五分末國書一行上有鈐印蒙古

篆文長五寸廣三寸印旁正書孔襲封俸四字下有十二
押左七右五碑無立石年月篆文云至元三十一年今上
皇帝卽位云云攷元貞元年夏大臣言孔治孔子裔孫其
祖元用有軍功沒于王事治權奉祀事三十餘年宜襲封
爵於是治襲封衍聖公至大德四年因降此牒與之俸給
也文中載中書准蒙古文字譯語不甚了了此亦可見元
時樞政之制也

王鐸重募蘓子由超然臺賦石刻

大德四年九月立并跋俱正書石高二尺四寸廣三尺二
寸在諸城縣超然臺

右刻三十二行字徑八分後王鐸跋四行字徑四分

披雲真人道行碑

大德四年十二月立正書篆額碑高七尺二寸廣二尺八寸在掖縣通仙觀

右碑額題東萊通仙觀披雲天師道行碑三行字徑二寸八分文三十一行字徑九分朱翬撰并書

鎮撫張仁神道碑

大德四年十二月立正書篆額碑高三尺五寸廣二尺六寸在歷城縣東北張家莊

右碑祇存上半額題鎮撫張公神道碑記二行字徑三寸陽文文二十五行字徑八分李吉撰張巨淵書并篆額碑載張氏先世事蹟與進義碑大略相同彼碑敘仁事但略云察罕愛其勇銳賜之銀盃以拔窰目之此碑則云銀盃上鐫寫金字曰察罕那顏賜濟南張拔窰去金帳子裏要

飢喫休當者不惟較詳于前且可見元初鼓勵將士之制如此史家所不能詳也公之弟義子三人長曰儀次曰珪次曰瓊而碑末所載姪張寧祖張顯祖不知是何人之子所未詳也

靈岩寺達公禪師道行碑

大德五年三月立正書篆額碑高七尺五寸廣三尺三寸在長清縣靈岩寺

右碑額題達公禪師道行之碑四行字徑三寸左思忠撰本寺正開口閒下缺一字想卽書碑之人也

重修安期真人祠記

大德五年四月立并額俱正書碑高三尺九寸廣一尺九寸五分在萊蕪縣仙人觀

右碑額題重修安期真人祠記四行字徑二寸文共二十五行字徑八分曾文秀撰卜元方書

曲阜縣重建文宣王廟碑

大德五年立正書篆額碑高一丈三尺廣五尺二寸在曲阜縣孔廟

右碑額題大元重建至聖文宣王廟之碑三行字徑六寸文三十行字徑一寸閻復撰劉賡書劉孫篆

龍華觀碑

大德五年十月立并額俱正書碑高五尺廣二尺七寸五分在臨淄縣治東龍華觀

右碑額題龍華觀記二行字徑三寸文二十一行字徑一寸王麟撰無書丹人姓名

膠州知州董公神道碑

大德六年二月立正書碑高七尺六寸廣三尺六寸在益都縣城東石墓田邨董氏塋前

故膠州知州董公神道之碑

益都路石匠都提領盧鑄口

口徐樹張德珍楊成同刊

口訓大夫簽憲建道肅政廉訪司事許時獻謨

正議大夫集賢院大學士前江北淮東道肅政廉訪使張孔孫篆額 前順德路儒學教授青社翟可珍書丹

公諱進卽墨石橋口人董氏之先曰蓋公本饒叔安之裔子以好龍事舜始賜姓焉戰國及漢魏以降代不乏人而公生值兵荒幼失鄉土家無譜牒可考故不知其世次曾祖在金時嘗爲鎮防軍將成牢山建北礮城海境賴之以安王父烈考皆不祿

而逝母陳氏先於父一年卒公童卯而孤金鹿走汴土豪蠃興
歲荒人飢其家惟一祖母在閒關百險負公逃生纔至益都有
義軍李帥見公異於諸子年十有五李帥試以所能凡事咸得
其宜知公可用以爲親兵

國王南來李帥迎降承

制以爲益都行省西拒金人南禦楚寇日尋干戈以相征討公
爲家將常當前鋒攻楚州則張瑄孤以先登襲海州則蒙裒比
而先犯喜公驍勇委爲爪牙帥旣平定山東口吞淮海因攻揚
州歿於城下公率麾下推其夫人楊氏權主軍務衆皆悅服越
明年楊氏入

覲得紹夫職假公以軍帥之口使代征戍之勞又常乘傳赴
闕奏事進貢諸物楊氏辭政公亦尋解兵柄改署高密尹歲遭

饑旱民不安居公。一年襁負至二年汙萊闢三年衣食足
寧海登萊左皆瀕海地宜畜牧廣袤千里中有逸馬散漫于蒲
蘆洲渚閒不知主名近常出踐民田人莫能制公因白於行省
撤吉思使人拘括絕民田之害除知膠州授金符公凡事從宜
詢其利病仁撫鰥惇威制豪橫民用小康公忽遘疾至元十年
遂歸。于益都二月二十二日卒于私第春秋七十有四權厝
于益都縣東河子村香山原惟公材力過人寬猛相濟在軍旅
則與士卒同甘苦故人樂爲用在州縣則抑豪猾斤貪墨故人
不敢犯治兵治民兩盡其善人到於今稱之噫公幼遭多。起
於行伍身經。戰體無完膚位不至。仕止於一州命矣夫
子男七人公先娶單氏生二子長日堅次日成後娶李氏生五
子信仁春均塤仁與均。皆早卒女三人一適密州王成一適

左成一適張榮皆益都大姓男孫十六女孫十已嫁者五堅以將家子爲上百戶賴

行院官

奏爲千夫長累遷宜武將軍轉寧國高郵萬戶之副尋改

鎮江王府守衛漢軍萬戶在襄陽戰于城西奪陷陣陳千戶於城門口破送糧口軍擒矮張於鬼門關取樊城於漢水上都帥劉整分攻其南堅以長索牽鋸截豎木運梯登埤一鼓而下渡舟師於揚邏堡

太傅伯顏

丞相阿朮督軍徑進遶出拒敵軍右堅逆戰于中流虜高安撫長驅而濟

王帥畢渡水陸俱進破賈似道百萬之衆於丁家洲敗孫虎臣孤注之兵於鎮江堅爲偏裨每戰常爲士卒先今以益都爲家

遂移父母之喪。葬于舊墳之北。及將祖考靈柩。徙來爲一
塋。又將祖母陳氏招魂葬於烈祖元室。噫。非夫人之德。則董氏
之鬼。不其餒而佳城旣遷。乃礪貞石。來乞辭。下材不敏。舉其德
善勲勞而論議之。銘曰。

猗歟董君	勇而且仁	左右藩政	有勞有勲	治兵理民
徽訢過人	政平訟理	民熙物春	海濱逸馬	數倍齊駟
自於守臣	表升州刺	子長萬夫	祿又及嗣	金沙山南
洗耳河北	改卜宅兆	再新窀穸	山不谷兮	河不陵
高臺未傾	兮曲池未平	石不爛兮	字長存	亘百世兮
流芳聲				

大元大德六年歲在。寅春二月二十日

宣授宣武將軍鎮守高郵寧。萬戶府萬戶兼守衛萬戶府萬

戶孝孫男董堅立石

右碑文三十一行字徑一寸一分篆額未拓段赤亭益都金石記云碑稱義軍李帥者李全也全在宋史叛臣傳略云李全者濰州北海農家子弓馬趨捷能運鐵鎗時號李鐵鎗初大元兵破中都金主竄汴賦歛益橫遺民保巖阻思亂於是楊安兒起掠莒密後大元兵至山東全母及其長兄死焉全與仲兄福聚衆數千大元兵退金乃完顏霆爲山東行省討安兒誅之安兒無子從子友僞稱九大王不聞軍務安兒妹四娘子狡悍善騎射收潰卒稱曰姑姑衆尙萬餘掠食至磨旗山全以其衆附楊氏通焉遂嫁之全合軍與霆戰敗之全得收餘衆保東海後歸宋攻金襲破莒州別將于洋克密州兄福克青州始授全武翼大夫京

東副總管此嘉定十一年以前事也全又以化陂湖之功
進達州刺史妻楊氏封令人居楚州領忠義軍十五年青
州張林判宋歸元全攻林急林走全遂入青州進之逃難
必此時也寶慶二年大元兵攻青州全大小百戰終不利
在圍一年食牛馬及人且盡乃降元大元兵入青州承制
授全山東行省碑云國王南來是其時也國王者據元史
乃孛魯也後張德殺其兄福併次子通於楚州全慟哭力
告大元大將求南歸不許斷一指示南歸必不畔許之承
制授山東淮南行省得專制山東而歲獻金幣十月丙辰
全與大元張宣差至楚州誅張德等碑所謂攻楚州張蚤
弧以先登者此也紹定九年七月全使鄭衍德提兵三萬
如海州碑所謂襲海州蒙皋比以先犯者此也後全攻楊

州陷淖中宋軍以長槍三十餘亂刺殺之乘勝攻楚州破之楊氏諭鄭衍德等曰二十年梨花鎗天下無敵今事勢已去撐拄不行今我欲歸老漣水汝等可降宋翼日遂絕淮而去於是全所據州縣悉爲宋金所有楊氏竄歸山東又數年而後斃而碑云明年入覲於元得紹夫職後乃辟政進亦尋解兵柄史未及之蓋歸漣水以後事皆當入元史也元史撒吉思傳撒吉思爲山東行省兼益都達魯花赤賜益都田千頃及璫馬羣然則海濱之馬非無主名特李璫敗後進自於撒吉思而拘括之耳堅戰襄陽略與史合第碑訛櫃門關爲鬼門關耳破樊城亦與劉整傳同篆額者張孔孫元史有傳字夢符隆安人父之純爲東平萬戶府參議夜夢謁孔子廟得賜嘉果已而孔孫生因丐名

於衍聖公遂名今名既長以文學名官至翰林學士承旨
資善大夫致仕大德十一年卒史稱其善琴工畫山水竹
石不謂其能篆是其略也

寶塔寺朗公道行碑

大德六年三月立正書碑高七尺三寸廣二尺八寸五分
在淄川縣北楊家寨寶塔寺

右碑額碑陰俱未拓文二十七行字徑一寸沙門福真撰
智澄書篆

卮越山神祠碑

大德六年四月立正書碑高四尺八寸廣二尺九寸在鄒
縣卮越山

右碑篆額未拓文二十三行字徑一寸一分張頴記李貞

篆額劉之美書丹

冠州增修廟學記

大德六年九月立正書碑高三尺六寸廣二尺四寸在冠縣學

右碑篆額未拓文十九行字徑一寸薛貞撰解子淵書許元肅篆額

馳山降御香記

大德六年十月立正書碑高六尺一寸廣三尺一寸在益都縣馳山玉皇殿前

右碑篆額未拓文二十行字徑一寸四分馬驥撰并篆額張敬書丹碑云大德二年歲戌戌天使苟宗禮祇奉德音分降御香於此案元史祭祀志與成宗本紀俱不載馳山

分降御香事但言大德二年加封五嶽四鎮爵號及山東等處蝗旱豈緣此而有事於茲山歟

中書參知政事張公先塋碑

大德七年正月立正書碑高八尺八寸廣三尺七寸在章邱縣

右碑篆額未拓文二十六行字徑一寸一分間復撰張伯淳書楊文郁篆額碑稱張斯立因致仕華顯爲先世立碑以示來裔案元史張斯立無傳宰相年表有之其參知政事自大德元年迄於九年正與碑合伯淳此碑筆法秀整攷本傳伯淳自至元末謁告歸大德四年卽家拜翰林侍講學士明年造朝扈從上都又明年卒此碑立於大德七年正月則書碑正及其垂老之時也

元林答公神道碑

大德七年三月立并陰俱正書碑高六尺八寸廣三尺二寸在益都縣雲門山臥龍澗北

右碑篆額未拓文二十九行字徑九分方同撰張珪書郎元謙篆額碑陰列祖父名一行子女二孫等名各注於所生之下橫列字徑一寸段赤亭益都金石記云元林答四世皆不見於金元史亦不載查刺溫火兒下邳州事皆可補史之闕文云至元二十年征黃華二十四年征交趾并與史合獨世祖本紀至元十五年命元帥劉國傑北征所謂簽院卽國傑也碑稱十四年與國傑傳同此蓋本紀之失伯顏傳至元十四年領軍北征碑云十五年此是史傳之誤碑載世祖賞賚銀段子之外有身笏銀匙筯耳䟽翠

花等物爲史家所略且未見於他碑也

濟陽縣學田記

大德八年三月立正書碑高五尺三寸廣二尺九寸在濟陽縣學

右碑篆額未拓文二十三行字徑一寸末官吏題名五行字徑七分李謙撰劉敏中書楊文郁篆額碑云聖上踐阼之初元以十四事詔天下其九曰學校之設云云攷元史成宗本紀自卽位以迄元貞元年不載詔書十四事惟於至元三十一年七月壬戌書詔中外崇奉孔子一語而已蓋史家之略也

重修舜廟碑

大德八年九月立正書碑高四尺六寸廣二尺五寸在泗

水縣東南歷山舜廟

右碑篆額未拓文二十八行字徑八寸孟遵撰王汝惠書篆

重修正覺禪寺碑

大德八年九月立正書篆額碑高八尺五寸廣三尺在滋陽縣東邢安社正覺寺

右碑題額重修正覺禪寺之碑二行字徑四寸文二十二行字徑一寸李誠撰楊桓篆額朱景椿書

徐氏先塋碣銘

大德八年十一月立正書篆額碑高七尺廣三尺二寸在鄒縣城北夏侯廟

右碑額題徐氏先塋碣銘二行字徑三寸文共二十行字

徑一寸楊桓撰并篆額男守訥書

臥佛院碑

大德九年二月立正書碑高六尺二寸廣二尺七寸在日照縣嵐山臥佛院

右碑文二十行字徑九分末官吏銜名十行字徑五分碑無撰文人姓名書丹者潘文炳

重修昭惠靈顯王廟碑

大德九年三月立正書碑高五尺六寸廣二尺五寸五分在泗水縣

右碑文二十二行字徑一寸嚴文博撰書丹

重修城隍廟碑

大德九年三月立正書篆額碑高五尺廣二尺六寸在博

平縣城隍廟

右碑額題重修城隍廟記三行字徑五寸文共二十八行
字徑八分王之綱撰王構書并篆案元史百官志諸縣分
上中下一萬戶之上者爲中縣上縣置達魯花赤一員尹一
員丞一員簿一員尉一員典史二員中縣不置丞餘悉如
上縣之制今此碑有達魯花赤有尹有簿有尉有典史而
無丞蓋博平在東昌路爲中縣故也

崑崙山東華宮記

大德九年十月立正書篆額碑高八尺四寸廣三尺六寸
在文登縣崑崙山東華宮

右碑額題崑崙山十方東華宮記九字橫列徑四寸五分
文三十一行字徑一寸焦養直撰張仲壽書譚振宗篆

靈岩寺平公勦跡銘

大德十年三月立正書碑高二尺四寸五分廣二尺六寸
在長清縣靈巖寺

右碑文二十五行字徑九分沙門思達撰書記思圓書

靈岩寺下院聖旨碑

大德十年四月立并額俱正書碑高三尺一寸五分廣一
尺七寸在長清縣靈岩寺

右碑額題皇帝聖旨四字橫列徑一寸七分文十五行字
徑八分釋思圓書月日中間有蒙古篆文印下有三押字
東平路公廨記

大德十年四月立并陰俱正書額八分書碑高一丈一尺
廣三尺三寸在東平州署

右碑額題東平路公廨記二行字徑四寸七分文二十二
行字徑一寸二分王構撰張孔孫書丹李謙題額陰刻官
吏姓名三列行數不計字徑一寸案元史地理志載太祖
十五年嚴實以彰德等戶三十萬來歸以實行臺東平稽
之本紀則來歸在十五年庚辰而金東平行省事忙古藥
城道嚴實入守之在十六年辛巳碑所云辛巳九月嚴武
惠公行臺卜地經創規制略舉者正與本紀合也碑陰列
司屬六縣曰須城陽穀東阿汶上壽張平陰與元史地理
志合而州志沿革表獨不列平陰何也

樂安縣重修廟學碑

大德十年九月立正書碑高九尺二寸廣三尺八寸五分
在樂安縣學

右碑篆額未拓文二十五行字徑一寸一分張孔孫撰并書篆

萊州城隍廟碑

大德十年九月立正書碑高五尺三寸廣二尺三寸在萊州府城隍廟

右碑篆額未拓文二十三行字徑九分李誠撰馬天駿篆額書丹

棣州三學資福寺藏經碑

大德十一年正月立行書碑高八尺四寸廣三尺三寸在武定府三學寺

右碑篆額未拓文二十五行字徑九分沙門福眞撰趙孟頫書張祐篆額案文敏於至元二十九年出同知濟南路

管府事會修世祖實錄召還京師久之遷知汾州未上書
金字藏經成除集賢直學士浙江等處儒學提舉遷泰州
尹未上至大三年召至京師此碑結銜云集賢直學士朝
列大夫前行浙江等處儒學提舉云前爲提舉則不知其
書碑時現任何官也碑中所紀年月多訛元帥田公大德
七年爲浙江行省理問官施藏經於三學寺越明年癸卯
瑛函成案大德七年爲癸卯若越明年當爲甲辰又云大
德六年辛丑田公同夫人史氏施大藏經文以六年爲辛
丑自當以七年爲壬寅八年爲癸卯矣而十一年爲丁未
則又不誤者何也撰文者或一時記憶偶誤而文敏書碑
亦仍沿之所未解也文中載杭省有白雲宗印經所今杭
省惟西湖瑪瑙寺及昭慶寺爲印經之所詢以白雲宗無

一人知者是可補武林梵剎之軼事也

單顯卿等白雲洞題名

大德十一年五月刻正書在臨朐縣仰天山白雲洞南石壁

右題單顯卿齊榮甫賈敬之大德十一年五月上旬有一日同遊洞記三行字徑一寸年月二行字徑五分

樂安縣學加封孔子制詔碑

大德十一年七月立并額俱篆書碑高四尺廣二尺八寸在樂安縣學

右碑額題大元加大成詔三行字徑三寸陽文支十三行字徑二寸無書人姓名

泰安縣學加封制詔碑

大德十一年七月立正書額八分書碑高六尺廣二尺五寸五分在泰安縣學

右碑額題大元加封聖旨三行字徑二寸八分文十行字徑一寸二分

滕縣學加封孔子制詔碑

大德十一年七月立正書碑高六尺六寸廣二尺二寸在滕縣學

右碑文十行字徑二寸五分

樂陵縣學加封孔子制詔碑

大德十一年立行書碑高三尺六寸五分廣二尺八寸在樂陵縣學

右碑文十三行字徑一寸三分

曲阜縣孔廟加封制詔碑

大德十一年立并額俱國書譯文正書碑高八尺三寸廣二尺七寸在曲阜縣孔廟

右碑額蒙古書三行其上刻譯文正書大成至聖文宣王詔書三行字徑七分文八行左讀旁以正書釋之末行年月上有鈐印方徑五寸

兗州文廟加封孔子制詔碑

大德十一年九月立正書碑高五尺八寸廣二尺五分在

兗州府學

右刻文七行字徑一寸

關里宅廟落成後碑

大德十一年十月立正書碑高八尺四寸廣三尺六寸在

曲阜縣孔廟奎文閣後

右碑文二十一行字徑一寸一分李謙撰并書案大德二年春濟寧路總管案檀不華重修闕里孔子廟至五年秋廟成立碑間復撰文此稱後碑者蓋以間復碑爲前碑也
冉子祠碑

無年月書體詳後碑高四尺九寸廣二尺四寸在東平州西北冉子墓祠內

右碑題東平公冉子祠正書二行字徑一尺四寸無書人姓名陰題篆書亦同字徑一尺三寸左刻書人趙期頤銜名正書一行字徑一寸五分案州志載冉子墓初在汶上縣西門外感化橋側宋時遷於州城西北二十里舊有祠宇元張瀚有記今志瀚碑無攷惟載明許彬記稱元大德

中翰林學士王構撰文云此碑無紀年月日書碑之趙期
頤元史亦無傳可攷茲因王構廟記作于大德中姑附于
末以俟攷定

耶律文正公瑩碑

無年月八分書碑高四尺七寸廣二尺四寸在東平州

右碑首刻大元二字陽文橫列字徑三寸五分文云昭文
館大學士中奉大夫兼國子祭酒贈資德大夫河南江北
等處行中書省右丞上護軍追封漆水郡公諡文正耶律
公瑩亞中大夫東平路總管門生張博文書西去此三里
李家棚石碑村瓠山之陽凡六行字徑一寸案元史列傳
載耶律有尚字伯強遼東丹王十世孫祖父在金世嘗官
於東平因家焉累官集賢學士大德八年葬父還鄉里已

而朝廷思用老儒復起昭文館大學士兼國子祭酒階中奉大夫既以年老力請還家卒年八十六賜諡文正致有尚乃許衡之高第至元八年衡奏爲國子監齋長其時年可四十史傳無至大年號則終于大德之世可知矣傳不載贈官封爵得此碑亦可補史所未備

龍山石壁題字

無年月崖高四尺五寸廣三尺正書在黃縣龍山石壁

右題字六行徑五寸皆剝蝕難辨

劉君先塋碑

至大元年六月立正書碑高五尺六寸廣二尺八寸五分

在館陶縣城西劉氏墓上

右碑篆額未拓文二十八行字徑九分剝從善撰并篆額

李臨書丹碑記劉氏先世而所叙則劉源之政績爲多元碑凡紀先德者大率如此

孔廟加封祭祀碑

至大元年七月立正書碑高六尺四寸廣二尺六寸在曲阜縣孔廟

右碑文二十行題名三行字徑一寸又祝文三首字徑五分

皇妹大長公主懿旨碑

至大元年九月立正書篆額碑高三尺七寸廣二尺在曲阜縣孔廟

右碑額題懿旨釋奠祝文三行字徑四寸二分文十一行字徑一寸三分月日上有押字

皇妹大長公主魯王祭孔廟碑

至大元年十二月立正書碑高六尺廣二尺六寸在曲阜縣孔廟

右碑文二十一行字徑一寸無書人姓名案此碑疑與前懿旨碑合爲一石而拓者誤析爲二也大德十一年五月武宗嗣位七月加孔子號曰大成遣使祭告用國書勒石此碑所云恭間聖上加封大成至聖文宣王者是也蓋大長公主先於九月降懿旨至是致祭距朝廷加號大成遣使僅隔半年之事耳

賈氏墓碑

至大二年三月立正書碑高八尺四寸廣三尺七寸在鄒平縣城西賈氏墓上

右碑文字磨滅案縣志爲叅知政事劉敏中撰

重修三皇廟碑

至大三年正月立正書額國書碑高六尺五寸廣二尺三寸在泰安縣準上店

右碑額國書六字二行徑二寸八分文十八行字徑一寸畢子麟撰張仲寬書并題額後有銜名四行字徑八分

重立東鎮廟神應記

至大三年四月立正書碑高二尺廣二尺八寸在臨朐縣東鎮廟

右碑文二十六行字徑八分無撰書人姓名末銜名三行字徑六分

德平縣學加封孔子制詔碑

至大三年六月立正書篆額碑高六尺三寸廣二尺七寸
在德平縣學

右碑額題有元加封大成至聖文宣王制三行字徑三寸
五分碑上層刻聖旨十四行字徑一寸下層闕復記文二
十二行字徑九分縣尹王敬先書案元史武宗本紀大德
十一年七月辛巳封至聖文宣王爲大成至聖文宣王不
詳預議者何人草制者又何人今案此碑乃知皆闕復爲
之此記亦出復手筆復之拜翰林學士承旨在大德四年
而其進階榮祿大夫遙授平章政事在武宗踐阼之初未
幾疏乞歸里詔從其請碑立於至大三年正復致仕里居
時也

曹縣學加封孔子制詔碑

至大三年十月立國書陰正書碑高四尺六寸廣二尺四寸五分在曹縣學

右碑刻制詔蒙古書及正書譯文各八行陰列上下二層上記文十二行字徑八分下題名不計行數無書人姓名
濟南府學加封孔子制詔碑

至大四年八月立正書碑高八尺二寸廣四尺一寸五分在濟南府學

右碑額未拓上層刻制詔二十三行字徑一寸下層刻記文二十七行字徑一寸記爲劉敏中撰并書題額案縣志載此碑尙有碑陰刻都轉運鹽使以下官吏姓名拓者亦遺之

齊東縣新學記

至大四年八月立正書篆額碑高九尺六寸廣三尺在齊東縣學

右碑額題齊東縣新學記二行字徑四寸五分文二十四行字徑八分李謙撰劉敏中書郭貫篆額

重修福勝禪院碑

至大四年九月立并額俱正書碑高五尺九寸廣二尺四寸五分在諸城縣昌城東福勝寺

右碑額題重修福勝禪院六字三行徑三寸文十八行字徑一寸釋守恩撰口口書丹案縣志尙有陰未拓

仁宗祭告宣聖廟碑

至大四年十月立正書碑高五尺七寸廣二尺一寸在曲阜縣孔廟

右碑文二十二行字徑八分案元史仁宗本紀帝以至大四年三月十八日卽皇帝位閏七月辛丑命國子祭酒劉廣詣曲阜以太牢祠孔子蓋遣官在閏七月而致祭在十月也

沂山祭春記

至大四年十二月立正書碑高二尺廣二尺四寸在臨朐縣沂山東鎮廟

右碑文八行字徑一寸後銜名七行字徑八分案至大四年正月武宗崩三月仁宗卽位是年閏七月故十二月二十一日應迎春而祭於東鎮廟也

濟寧廟學從祀繪素記

皇慶元年二月立并陰俱正書篆額碑高五尺四寸五分

廣二尺二寸在濟寧州學

右碑額題濟州廟學從祀繪壙記三行字徑四寸文二十行字徑一寸末有小字造作姓名一行陳儼撰趙璧書李貞策額陰刻官吏題名四行案元史孝友傳有趙璧鄭州人以居喪廬墓聞未知卽此人否

章邱縣學加封孔子制詔碑

皇慶元年四月立并陰及額俱正書碑高九尺六寸廣三尺二寸在章邱縣學

右碑額題大元加封大成至聖文宣王碑二行字徑二寸七分上層刻制詞十七行字徑一寸下層記文二十一行字徑九分劉肇撰并書題額陰刻官吏姓名不計行數字徑一寸

蔡州知州石府君墓碑

皇慶元年四月立正書碑高二尺七寸廣一尺八寸五分
在濟寧州

右刻題武略將軍蔡州知州石府君墓二行字徑三寸八
分右旁刻奉議大夫均州知州兼管本州諸軍與魯勸農
事趙璧書一行左旁刻皇慶元年四月關路廣靈縣主簿
男元容立一行俱字徑一寸

河曲縣主簿石君墓碑

皇慶元年四月立正書碑高二尺五寸廣一尺八寸在濟寧州
右刻題太原路河曲縣主簿石君之墓二行右旁刻奉議
大夫均州知州兼管本州諸軍與魯勸農事趙璧書一行
左旁刻皇慶元年歲次壬子四月關朔十有二日丁丑關

一行字體大小皆同前碑

鄒平縣學加封孔子制詔碑

皇慶元年五月立正書碑高七尺六寸廣四尺在鄒平縣學

右碑額未拓上層刻制詔二十一行字徑一寸二分下層刻記文二十三行字徑一寸二分劉敏中述并書題額

紫府洞詔文碑

皇慶元年十月立正書篆額碑高八尺五寸廣三尺四寸五分在文登縣紫府洞

右碑額題詔文之碑四字橫列徑五寸五分碑凡五層四層俱詔文第一層二十七行字徑九分第二層二十九行字徑九分第三層三十三行字徑八分第四層二段合爲

一列凡三十四行字徑八分下刻銜名年月凡三行左讀字徑七分

東華洞五華碑八種

皇慶元年十月立俱正書尺寸詳後在文登縣東華洞

第一碑高四尺三寸五分廣一尺七寸刻至元六年詔詞十六行字徑八分

第二碑高四尺三寸五分廣一尺五寸刻至大三年詔詞三行字徑八分

第三碑刻至大三年詔十四行

第四碑刻至大三年詔十三行

第五碑刻至大三年詔十三行

第六碑刻至大三年詔二通凡十六行

第七碑刻至大三年詔十六行自第三碑至此高廣字樣與第一碑同

第八碑刻至大三年詔凡十行後皇慶元年歲月及題名四行高廣字樣與第二碑同

案此碑共八種總謂之五華碑蓋以東華五祖爲之冠而自七真以下逮及後賢歷次加號制詞並列于石也碑惟首一通是至元六年制詞餘皆至大三年制詞但未碑獨有皇慶元年立石一行玩其碑式八碑相同知皆是皇慶元年所刻也

紫府洞碑

皇慶元年十月立上層行書下層正書篆額碑高八尺四寸廣三尺五寸在文登縣東華宮後紫府洞

右碑額題大東華宮紫府洞記八字橫列徑四寸上層記
文三十行字徑一寸二分鄧文原撰張仲壽書楊光祖篆
額下層刻功德主姓名三十六行字徑一寸

東華帝君碑

皇慶元年十月立行書篆額碑高八尺三寸廣三尺五寸
在文登縣東華宮

右碑額題東華紫府輔元立極大帝君碑十二字橫列徑
三寸文三十行字徑一寸此碑撰文者鄧文原書碑者張
仲壽篆額者趙孟頫文既典重有體不蹈元門窠臼書法
頗與文敏相埒而文敏篆額結構緊嚴不類他刻可稱三
絕元史鄧文原傳大德五年擢應奉翰林文字九年升修
撰謁告還江南至大元年復爲修撰預修成宗實錄三年

授浙江儒學提舉皇慶元年召爲國子司業此碑但結修
撰及編修官銜疑作於至大年間張仲壽史不爲立傳據
大德九年崑崙山東華宮碑亦仲壽書彼碑結銜云嘉議
大夫前泉府卿中尙太監至是晉官兩階職居詞翰殆亦
以善書之故也趙孟頫之官侍讀學士亦在至大三年旋
以與他學士撰定祀南郊祝文及擬進殿名議不合謁告
去仁宗卽位始召除集賢學士此碑結銜不曰集賢而曰
侍讀則確乎撰書題額皆在至大而立石乃在皇慶元年
耳

重修龍神祠碑

皇慶元年十月立正書碑高五尺一寸廣二尺七寸在日

照縣

右碑文十九行字徑一寸三分前日照縣尹二行在碑右
標題之下字徑五分薛師讓撰王恭禮書

廉訪苗公先塋碑銘

皇慶元年十月立正書碑高七尺一寸廣三尺一寸五分
在城武縣北胡村苗公墓上

右碑篆額未拓文二十五行字徑一寸劉泰撰馬儼之書
冀德方篆額

丹陽真人歸葬記

皇慶二年正月立行書碑高七尺九寸廣三尺六寸在萊
陽縣遊仙宮內

右碑額未拓文二十五行字徑一寸二分張仲壽撰書并
篆額

東鎮廟祭告碑

皇慶二年二月立正書碑高一尺二寸廣二尺在臨朐縣

東鎮廟

右碑文十五行字徑八分末銜名四行字徑四分

靈岩寺海公道行碑

皇慶二年八月立正書篆額碑高八尺四寸廣三尺二寸

在長清縣靈岩寺

右碑額題海公禪師道行之碑四行字徑三寸五分文二

十九行字徑一寸孫榮孚撰釋覺達書丹并篆額

諸城縣學加封孔子制詔碑殘石

無年月正書石高一尺八寸廣三尺四寸在諸城縣學

右碑祇存中段上下俱闕存者分上下兩層上刻詔書字

徑一寸五分下刻記文凡二十三行末結銜四行各存首一字徑一寸據縣志云是皇慶二年九月立

靈岩寺山門五莊記

皇慶二年十二月立正書篆額碑高二尺四寸廣三尺三寸五分在長清縣靈岩寺

右碑額題靈岩山門五莊之記八字橫列徑二寸八分文十七行字徑一寸首座刊石等題名七行字徑五分釋覺達撰

濟陽縣學加封孔子制詔碑

皇慶二年十二月立正書碑高六尺一寸廣三尺在濟陽縣學

右碑分上下二層上刻制詞十七行字徑一寸二分下記

文二十三行字徑一寸二分劉敏中撰

宮山漢武帝廟碑殘石三段

皇慶二年立正書篆額尺寸未詳在萊蕪縣宮山漢武帝廟

右碑額題重修漢武皇帝之廟二行字徑二寸五分第一段碑右腹首標題一行以下十一行第二段碑左上角十一行第三段碑左下角連中腹十五行字徑八分此碑殘缺殊甚擦書人姓名皆缺惟後存大元皇慶二年六字尙可定其時代